



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-016-4/25**

Datum: **08.05.2025. godine**

«Agencija za vodno područje rijeke Save» Sarajevo rješavajući po zahtjevu Javnog komunalnog preduzeća «KOMUNALAC» d.o.o. Busovača za donošenje rješenja o vodnoj dozvoli za zahvatanje vode sa otvorenog vodozahvata Duboki potok (kapacitet 22 l/s), Topalovića potok (kapacitet 10-12,5 l/s) i Crni potok (kapacitet 23 l/s) i za ispuštanje tehnoloških otpadnih voda u prirodni recipijent iz objekta postrojenja za pripremu pitke vode (kapacitet 35 l/s) za potrebe snabdijevanja vodom potrošača na području općine Busovača na osnovu člana 109. stav 1. tačka 1. i 2. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE **o vodnoj dozvoli**

1. Daje se vodna dozvola Javnom komunalnom preduzeću «KOMUNALAC» d.o.o. Busovača za:
 - zahvatanje vode sa otvorenog vodozahvata Duboki potok (tirolski zahvat kapaciteta 22 l/s), Topalovića potok (tirolski zahvat kapaciteta 10-12,5 l/s) i Crni potok (tirolski zahvat kapaciteta 23 l/s) za potrebe snabdijevanja vodom potrošača na području općine Busovača,
 - ispuštanje tehnoloških otpadnih voda iz Postrojenja za pripremu pitke vode izgrađenog na lokalitetu Tisovac (kapacitet 35 l/s).
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji objekata i uz sljedeće uslove:
 - 2.1. Da korisnik predmetnih vodozahvatnih objekata iste održava u funkcionalnom stanju i koristi u skladu sa njihovom prirodom i namjenom te u skladu sa uslovima iz ove vodne dozvole.
 - 2.2. Da se obezbijedi stalni i sistematski pregled vode od strane ovlaštene laboratorije, te poduzme sve potrebne mjere za osiguranje zdravstveno ispravne vode za piće. Kontrolu ispitivanja kvaliteta vode za potrebe snabdijevanja vodom za piće stanovništva mogu vršiti samo ovlaštene laboratorije u skladu sa članom 48. stav (3) Zakona o vodama («Službene novine Federacije BiH», broj 70/06).
 - 2.3. Da se, ukoliko se redovnim ili vanrednim analizama kvaliteta vode utvrdi da ova ne zadovoljava uslove vode za piće propisane Pravilnikom o zdravstvenoj ispravnosti vode za piće («Službeni glasnik BiH», broj 40/10, 43/10, 30/12 i 62/17), vodovodni sistem isključi iz upotrebe, odnosno blagovremeno i na adekvatan način obavijeste krajnji potrošači da voda nije za piće.
 - 2.4. Da se obezbijedi tehnička ispravnost ugrađenih mjernih uređaja za evidentiranje količina zahvaćene vode odnosno da se redovno vrši baždarenje mjerača protoka u skladu sa propisima o mjernim uređajima.
 - 2.5. Da se u cilju kontrole, evidencije i plaćanja količina zahvaćene vode vrši kontinuirano mjerenje količina zahvaćene vode. Evidenciju o mjerenju zahvaćenih količina vode vršiti u skladu sa Pravilnikom o sadržaju i načinu vođenja evidencije i dostavljanju podataka o količinama zahvaćene vode («Službene novine Federacije BiH», broj 83/08).
 - 2.6. Da se korisnik vodozahvatnih objekata brine o čuvanju objekata i uređaja na njima od slučajnog ili namjernog oštećenja ili uništenja.
 - 2.7. Da se u toku važenja ove dozvole, okončaju aktivnosti oko donošenja novih Odluka o zaštiti izvorišta «Duboki potok», «Topalovića potok» i «Crni potok» a u skladu sa Pravilnikom o načinu utvrđivanja uslova za određivanje zona sanitarne zaštite i zaštitnih mjera za izvorišta voda za javno vodosnabdijevanje («Službene novine Federacije BiH», broj 88/12).
 - 2.8. Do donošenja novih Odluka, sprovoditi zaštitne mjere i pridržavati se odredbi postojeće Odluke o zaštiti izvorišta vode za piće vodozahvata «Duboki potok» i «Topalovića potok», općina Busovača (broj: 02-02-3726/07) i Odluke o zaštiti izvorišta vode za piće vodozahvata «Crni potok», općina Busovača (broj: 02-02-3727/07) donesenih 11.07.2007. godine od strane Općinskog vijeća Busovača.

- 2.9. Da se zahvaćena voda prečišćava na postrojenju za pripremu pitke vode lociranom na lokalitetu «Tisovac», općina Busovača primjenom odabrane tehnologije koja će dati vodu za piće propisanu važećim Pravilnikom o zdravstvenoj ispravnosti vode za piće («Službeni glasnik BiH», broj 40/10, 43/10, 30/12 i 62/17).
- 2.10. Da se uredno vodi dnevnik rada u koji će se unositi podaci o postupku hlorinacije i potrošnji svih hemikalija.
- 2.11. Da se vrši stalna dezinfekcija vode hlorisanjem kao i kontrola rezidualnog hlora u vodovodnoj mreži a u skladu sa Pravilnikom o higijenskoj ispravnosti vode za piće.
- 2.12. Da se u skladištu hemikalija, dozir stanici ili na mjestima pretakanja hemikalija obezbijedi adekvatan apsorber za prikupljanje hemikalija u slučaju incidentnog izljevanja. U skladišnom prostoru i na mjestima pretakanja nije dozvoljeno postavljanje podnih slivnika.
- 2.13. Da se vrši redovna kontrola uskladištenih hemikalija i obezbijede svi potrebni uslovi u cilju sprečavanja zagađenja površinskih i podzemnih voda uskladištenim materijama.
- 2.14. Da se tehnološke otpadne vode nastale odmuljivanjem taložnika zajedno sa tehnološkim otpadnim vodama iz postrojenja za pripremu pitke vode nastale pranjem filtera i u postupku sedimentacije prikupljaju zasebnim kanalizacionim sistemom i ispuštaju u Topalovića potok.
- 2.15. Da se poduzmu sve potrebne mjere kojima bi se obezbijedilo da prečišćene otpadne vode prije ispuštanja u recipijent – Topalovića potok, ostanu u maksimalno dopuštenim granicama definisanim u Tabeli 1.1. Priloga 1. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).
- 2.16. Da se tokom važenja ovog rješenja na ekološki prihvatljiv način riješi konačno zbrinjavanje mulja iz taložnika kao i mulja nastalog pranjem filtera na postrojenju.
- 2.17. Vlasnik odnosno korisnik predmetnih vodnih objekata je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
- 2.18. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
- 2.19. Vlasnik odnosno korisnik objekata je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje voda i nisu u suprotnosti sa uslovima iz ove vodne dozvole.
3. Vlasnik, odnosno korisnik predmetnih vodnih objekata je obavezan voditi propisne evidencije, te nadležnim organima dostavljati propisane obrasce u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada za korištenje vode i ispuštanje otpadnih voda.
4. U slučaju vanrednih situacija, havarijskih onečišćenja i drugih sličnih okolnosti čime bi bio ugrožen kvalitet voda obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
5. Ukoliko prilikom upotrebe predmetnih vodozahvatnih objekata za koje se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekata je dužan uzroke štete otkloniti, a nastale štete nadoknaditi.
6. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
7. U ovoj upravnoj stvari plaćene su sve upravne takse.
8. Ova vodna dozvola, shodno članu 117. stav (1) i članu 129. Zakona o vodama se daje sa rokom važenja od 5 (pet) godina od dana pravosnažnosti ovog Rješenja.
9. Prije isteka važnosti ove dozvole korisnik je dužan da podnese zahtjev za izdavanje nove vodne dozvole.

10. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Javno komunalno preduzeće «KOMUNALAC» d.o.o. Busovača obratilo se ovoj Agenciji dana 13.01.2025. godine sa zahtjevom za izdavanje vodne dozvole za zahvatanje vode sa otvorenog vodozahvata Duboki potok, Topalovića potok i Crni potok i za ispuštanje tehnoloških otpadnih voda u prirodni recipijent iz objekta postrojenja za pripremu pitke vode za potrebe snabdijevanja vodom potrošača na području općine Busovača.

U provedenom postupku dostavljena je i pregledana sljedeća dokumentacija:

- Ovjerena kopija Aktuelnog izvoda iz sudskog registra: 051-0-RegZ-19-001850 izdatog dana 19.11.2024. godine od strane Općinskog suda u Travniku,
- Ovjerena kopija Uvjerenja o poreznoj registraciji izdatog dana 18.03.2016. godine od strane Porezne uprave Federacije BiH – Kantonalni porezni ured Novi Travnik,
- Ovjerena kopija Uvjerenja o registraciji/upisu u Jedinstveni registar obveznika neizravnih poreza broj: 04/1- UPP/1-11566/07 izdatog dana 06.09.2007. godine od strane Uprave za indirektno-neizravno oporezivanje Banja Luka,
- Ovjerena kopija Obavještenja o razvrstavanju pravnog lica prema klasifikaciji djelatnosti broj: 07-32.5-7466/16 izdatog dana 16.03.2016. godine od strane Službe za statistiku za područje Srednjobosanskog kantona,
- Ovjerena kopija lične karte direktorice JKP «KOMUNALAC» d.o.o. Busovača,
- Ovjerena kopija Odluke broj: 02-023-61/91 o osnivanju Javno komunalnog preduzeća «KOMUNALAC» Busovača donesena dana 28.03.1991. godine od strane Skupštine općine Busovača,
- Kopija Rješenja o vodnoj dozvoli broj: UP-I/25-3-40-699-4/19 izdatog dana 19.02.2020. godine od strane «Agencije za vodno područje rijeke Save» Sarajevo,
- Kopija Rješenja o odobrenju izgradnje vodozahvata na Crnom potoku broj: 05-23-53-2012 izdatog dana 06.02.2012. godine od strane Službe za prostorno uređenje, urbanizam i stambene poslove Općina Busovača,
- Kopija Rješenja o odobrenju izgradnje taložnika na filter stanici «Tisovac» u Tisovcu, općina Busovača broj: 05-23-518/03 izdatog dana 09.09.2003. godine od strane Službe za urbanizam, stambene odnose i poslove civilne zaštite Općina Busovača,
- Kopije Rješenja o odobrenju izgradnje spojno-distributivnog cjevovoda od priključnog okna do rezervoara «Hrastova glavica» broj: 03-361-31/4-89 od 15.05.1989. godine i izgradnje rezervoara «Hrastova glavica» broj: 03-361-371/88 od 19.11.1988. godine donesenih od strane Opštinskog sekretarijata za privredu i društvene djelatnosti Opština Busovača,
- Kopija Odluke broj: 01-23-989/05 o davanju na upravljanje, korištenje i održavanje taložnika na filter stanici gradskog vodovoda Busovača donesene dana 27.09.2005. godine od strane Općinskog načelnika Busovača,
- Kopija Odluke broj: 01-23-989/05 o davanju na upravljanje, korištenje i održavanje novoizgrađene dionice gradskog vodovoda u ul Ravanjski put donesene dana 27.09.2005. godine od strane Općinskog načelnika Busovača,
- Kopija Odluke o zaštiti izvorišta vode za piće sa vodozahvata «Duboki potok» i «Topalovića potok», općina Busovača donesene od strane Općinskog vijeća Busovača (broj: 02-02-3726/07 od 11.07.2007. godine),
- Kopija Odluke o zaštiti izvorišta vode za piće sa vodozahvata «Crni potok», općina Busovača donesene od strane Općinskog vijeća Busovača (broj: 02-02-3727/07 od 11.07.2007. godine),
- Elaborat zaštite izvorišta «Crni potok», općina Busovača urađen od strane Instituta za hidrotehniku d.d. Sarajevo, oktobar 2021. godine,
- Elaborat zaštite izvorišta «Duboki potok i Topalovića potok», općina Busovača urađen od strane Instituta za hidrotehniku d.d. Sarajevo, oktobar 2021. godine,
- Kopije Izvještaja o ispitivanju vode za piće (fizičko-hemijska i mikrobiološka analiza vode) urađenih od strane Instituta za zdravlje i sigurnost hrane Zenica,
- Projekat izvedenog stanja - Sistem vodosnabdijevanja i sistem odvodnje otpadnih voda naselja Busovača, urađen od strane projektne kuće «Zavod za vodoprivredu» d.d. Sarajevo, septembar 2008. godine,

- Izvještaj o monitoringu otpadnih voda broj: 1246/23, septembar 2023. godine; broj: 1685/23, decembar 2023. godine i broj: 1769/24, septembar 2024. godine od strane «Inspekt - RGH» d.o.o. Sarajevo (izvještaji urađeni za ispuste komunalnih otpadnih voda u rijeku Kozicu i Ivančicu i ispust u Topalovića potok iz postrojenja za pripremu pitke vode),
- Operativni plan interventnih mjera u slučaju incidentnih zagađenja broj: 965-5/20, decembar 2020. godine,
- Kopija uplatnice upravne takse.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnih vodozahvatnih objekata i objekta postrojenja za pripremu pitke vode na lokalitetu Tisovac, općina Busovača i tom prilikom je sačinjen zapisnik o izvršenom uviđaju broj: UP-1/21-3-40-016-3/25 od 29.04.2025. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Za potrebe vodosnabdijevanja stanovnika općine Busovača izgrađen je, na udaljenosti oko 7 km jugozapadno od gradskog centra Busovače, otvoreni vodozahvatni objekat – tirolski zahvat na Dubokom potoku (kapacitet 22 l/s) i Topalovića potoku (kapacitet 10-12,5 l/s) te otvoreni vodozahvatni objekat – tirolski zahvat na Crnom potoku (kapacitet 23 l/s) na koti oko 593 m n.m. na udaljenosti oko 9 km jugozapadno od gradskog centra Busovače. Vodozahvat na Crnom potoku je pušten u funkciju 2016. godine i koristi se kao rezerva u slučaju zamućenja drugih izvorišta. Vodozahvati su izvedeni sa pjeskolovom.

Postrojenje za pripremu pitke vode se nalazi na lokalitetu «Tisovac» neposredno nizvodno od vodozahvata na Topalovića potoku na koti 480 m n.m. što omogućava gravitacioni transport pitke vode do gradskog rezervoara «Hrastova glavica». Maksimalni kapacitet postrojenja je 35 l/s.

Zahvaćene količine vode sa tri vodozahvata se odvojenim gravitacionim cjevovodom dovode u taložnike dim 3,0x4,7x3,0 m locirane neposredno uz filter stanicu. Izbistrena voda se nakon taloženja odvodi čeličnim cjevovodom $\varnothing$ 250mm na dalji tretman prečišćavanja koji se odvija kroz sljedeće faze: flokulacija postupkom brzog miješanja sa aluminij sulfatom, sedimentacija, filtracija pješčanim filterom i dezinfekcija. Mutnoća vode se kontroliše putem ugrađenog turbidimetra.

Dezinfekcija vode se vrši na automatskom digitalnom hlorigeneratoru otopinom natrijum hipohlorita koja se priprema na ovoj tehnološkoj jedinici. Skladištenje hemikalija se vrši u adekvatnom namjenskom prostoru. Neposredno ispred hlornice stanice, na odvodnom cjevovodu ugrađen je automatski mjerač protoka na kome se registruje ukupna količina isporučene vode u sistem.

Prečišćena voda se distribuira u rezervoar «Hrastova glavica» kapaciteta 1000 m³ odakle se distribuira u gradsko područje i pripadajuća gravitirajuća naselja. Mjerenje kvaliteta vode se vrši na izlazu iz rezervoara.

Redovno se rade mikrobiološka i fizičko-hemijska analiza vode od strane Instituta za zdravlje i sigurnost hrane Zenica.

Za odmuljivanje taložnika ostavljeni su otvori na najnižem dijelu donje ploče u sva tri taložnika u koje su ugrađene cijevi $\varnothing$ 150 mm. Prikupljene tehnološke otpadne vode se odvodnim/odmuljnim cjevovodom zajedno sa otpadnim vodama iz postrojenja nastalim pranjem filtera i postupkom sedimentacije ispuštaju u recipijent-Topalovića potok.

Monitoring otpadnih voda iz postrojenja se vrši redovno. Na uvid predloženi izvještaji o monitoringu kvaliteta i kvantiteta otpadnih voda (za period septembar 2023. - septembar 2024. godine) urađeni od strane «Inspekt - RGH» d.o.o. Sarajevo. Ispitivani parametri (mjerno mjesto E₅ - ispust u Topalovića potok) zadovoljavaju MDK utvrđene Uredbom o uslovima ispuštanja otpadnih voda u okoliš i sisteme javne kanalizacije.

Oborinske vode sa krovnih površina postrojenja se prikupljaju sistemom oluka i kanala te ispuštaju u Topalovića potok. Sanitarno-fekalne vode koje nastaju u sanitarnom čvoru u sklopu objekta postrojenja se prikupljaju zasebnim sistemom kanalizacije i odvoje u septičku jamu. Čišćenje iste je u nadležnosti JKP «KOMUNALAC» d.o.o. Busovača.

Prva zaštitna zona u kojoj se nalaze vodozahvatni objekti, taložnici i filter stanica propisno je ograđena i označena. Povremeno se kontrolišu ostale zone zaštite izvorišta u skladu sa odredbama Odluke o zaštiti izvorišta vode za piće sa vodozahvata «Duboki potok» i «Topalovića potok», općina Busovača broj: 02-

02-3726/07 i Odluke o zaštiti izvorišta vode za piće sa vodozahvata «Crni potok», općina Busovača broj: 02-02-3727/07 donesenih dana 11.07.2007. godine od strane Općinskog vijeća Busovača.

Korisnik vodozahvatnih objekata, JKP «KOMUNALAC» d.o.o. Busovača nije postupio u skladu sa tačkom 2.11. ranije izdatog Rješenja o vodnoj dozvoli broj: UP-I/25-3-40-699-4/19 od 19.02.2020. godine odnosno nije izvršeno usklađivanje postojećih Odluka o zaštiti izvorišta vode za piće sa vodozahvata «Duboki potok», «Topalovića potok» i «Crni potok» u skladu sa Pravilnikom o načinu utvrđivanja uslova za određivanje zona sanitarne zaštite i zaštitnih mjera za izvorišta voda za javno vodosnabdijevanje («Službene novine Federacije BiH», broj 88/12). U toku je procedura oko usvajanja novih Odluka o zaštitnim zonama izvorišta.

Na osnovu utvrđenog činjeničnog stanja i dostavljene dokumentacije, a u svrhu ostvarivanja prava na vodu drugim korisnicima, u svrhu smanjenja negativnih uticaja predmetnog objekta i aktivnosti na stanje voda i vodni režim kao i održivog korištenja voda, podnosiocu zahtjeva, JKP «KOMUNALAC» d.o.o. Busovača, su ovom vodnom dozvolom u tački 2. dispozitiva rješenja, propisani uslovi kojih se dužan pridržavati prilikom korištenja predmetnih vodozahvatnih objekata u skladu sa članom 48., 64., 66., 116. i 128. Zakona o vodama («Službene novine Federacije BiH», broj 70/06) i članom 12. i 13. Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22) i odredbama Uredbe o uslovima ispuštanja otpadnih voda u okoliš i sisteme javne kanalizacije.

Tačka 3. dispozitiva Rješenja je propisana u skladu sa tačkama 4. i 27. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opće i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva, Javno komunalno preduzeće «KOMUNALAC» d.o.o. Busovača, ispunio minimum uslova za izdavanje vodne dozvole za zahvatanje vode sa otvorenog vodozahvata Duboki potok, Topalovića potok i Crni potok za potrebe snabdijevanja vodom potrošača na području općine Busovača i za ispuštanje tehnoloških otpadnih voda u prirodni recipijent iz objekta postrojenja za pripremu pitke vode, te je riješeno kao u dispozitivu ovog Rješenja. Podnosilac zahtjeva je uplatio i posebne troškove shodno Zaključku ove Agencije broj: UP-1/21-3-40-016-2/25 od 17.04.2025. godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10, 43/13 i 98/17).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.inž.građ.

Po ovlaštenju
Rukovodilac sektora za izdavanje vodnih akata



Nihad Pezo, dipl.inž.građ.

Dostaviti:

- JKP «KOMUNALAC» d.o.o. Busovača
ul. S.S. Kranjčevića bb, 72260 Busovača
- ➔ AVP Sava, ISV – Vodna knjiga
- Sektor 50
- Sektor 40 - arhiva
- Oglasna ploča - AVP Sava